

寧晉縣志

周鳳翔
題簽



封域志卷之一

目錄


星野沿革	形勢疆界	川澤古蹟	里社村莊	市集橋梁	墳墓風俗	歲時坊表	物產災祥
------	------	------	------	------	------	------	------

中華民國十八年歲次己巳

寧晉縣志

周鳳翔題簽





寧晉縣舊志序

自禹貢職方作而後世輿地圖經咸祖之
今之志是也我朝有大明一統志而天下
郡縣志咸祖之夫志古史之流也修之朝
曰史修之郡縣曰志均所以稽典獻彰物
軌信今而傳後也夫信今而傳後則志不
可以無作也然政事有因革俗尚有淳澆
財賦有登耗人物之英特者可以範俗官

常之卓異者可以風世文藝之純正者可
以垂教以至天文地理之祥異變遷城池
館署之沿革廢置可以博物而多識今昔
異時增損殊勢則志不可以不增修也甯
晉儒學師生增修縣志成邑侯連君屬予
序其端予惟甯晉為真定屬素稱富庶在
畿內蓋名邑也舊志廢缺有志飭治者宜
在所先而況中間人賢如先朝曹文忠公

文章道誼精忠大節得天地之正氣又如
今蔡汝濱公忠誠俊偉敦義明道樂聖賢
之事業載在志者可考誠可信而傳也志
可不增修耶是宜連君下車未兩月而即
為首務焉昔朱晦翁歷任江浙閩海所在
以修志為急蓋匪徒以資博洽飾文具備
觀視已也夫子言夏殷禮而病杞宋文獻
不足徵則今之志非所以備文獻以詔後

世無窮之徵者乎公之意猶晦翁也亦曰
使後之觀是志者知某事利可興某事病
可革某也賢俊可以作人景行某也貞節
可以感發善心官是邑者覽之可以起治
維風生斯上者覽之足以思齊善俗則所
以美政事厚風教登財賦興人才培國家
之元氣召天地之中和者未必不在於斯
也然則修志之意其深且遠哉此公初政

也然公之為志知公之慕古崇賢振起敦
大異日必有裨益治道追蹤古人政蹟之
卓異可以信今傳後者後之志今安知不
如今之志昔也公諱三顧山東樂安縣人
輯斯志者教諭胡向訓導徐大經秦秉清
同輯者邑之貢士鄭動監生牛璦張世盛
生員張九疇喬維翰劉聘韓陞也

嘉靖辛酉十月之望賜進士第文林郎廣

東道監察御史樂城遜齋陳九德序

甯晉縣志舊序終

甯晉縣志督修姓氏

欽差巡撫直隸等處地方管轄紫荆等關宣府一鎮地方密雲等關隘贊理軍

務兼理糧餉兵部尚書兼都察院右副都御史正一品加八級金世德

欽差提督順天等處學政右春坊右中允兼翰林院編修吳珂鳴

欽差巡按長蘆等處鹽政監察御史加二級伊拉哈

欽命鎮守直隸真定等處地方總兵官右都督世襲伯加五級石文炳

欽差管理直隸錢穀守道叅議加二十二級董秉忠

欽差管理直隸刑名兼理驛傳事務巡道僉事吳元萊

欽差整飭井陘等處兼理糧餉驛傳山西提刑按察司僉事加三級羊琦

欽勅清理長蘆等處

鹽

法

道

秦鉞

真定府知府加三級趙瑾

真定府軍捕廳加六級羅京

真定府糧馬廳加三級胡文燿

經歷聞在上

照磨吳從龍

真定府趙州知州加一級張乃英

重修寧晉縣志序

天下之可以安者禮樂也
國之可以永者文獻也家
之可以傳者堂構也昔唐
虞三代之時天子建中和

于上金聲而玉振之六典
頒布四海國不易教家不
殊俗何風之盛歟其時王
者有王者之史諸侯有諸
侯之史如易象春秋盡在

魯廷鳩雉扈農之學傳于
郊子史蘇董狐之類可考
而知也迨秦罷封建而置
郡縣設博士文學掌故則
諸侯之史泯滅無聞矣今

之志書蓋猶古史之遺也
屢陶恒山郡為巖邑夫其
堯臺東矗懷陶唐之風大
陸漫衍緬神禹之蹟薄落
名亭思武靈之畧漳浹環

流覩九河之滙且土沃而
地廣士勤誦習民務耕稼
壯哉縣乎顧自兵燹以後
非復往古之盛矣大約由
于河伯不仁諸水泛溢隄

防潰決膏腴之田沒于洪
波一望黃茅白菅此其所
以稍減豐豫也江右靜園
萬公下車以來清理賦役
稽查戶口平其詞訟課其